

廣八萬由旬周帀三十二萬由旬下踞金所成地種種嚴麗四寶所成彼須彌山有四方四面東面頗胝迦所成西面白銀南面瑠璃北面黃金又山四角九有四峯彼東南峯縱廣正等一百二十五由旬周帀五百由旬高四由旬半瑠璃所成金剛手夜叉神止住其中

西南峯縱廣正等一百二十五由旬周帀五百由旬高四由旬半頗胝迦所成金剛手夜叉神止住其中西北峯縱廣正等一百二十五由旬周帀五百由旬高四由旬半黃金所成金剛手夜叉神止住其中東北峯縱廣正等一百二十五由旬周帀五百由旬高四由旬半金剛手夜叉神止住其中

又須彌山有四層級其第一層傍出一萬六千由旬四寶所成有堅首天居止其中去第二層高一萬由旬其第二層傍出八千由旬四寶所成有持鬘天居止其中去第三層高一萬由旬其第三層傍出四千由旬四寶所

成有常憍天居止其中去第四層高一萬由旬其第四層傍出二千由旬四寶所成有四天王天居止其中

佛說頂生王因緣經卷第二

佛說頂生王因緣經卷第三

卅三

西天譯經三藏經卷之三 佛說頂生王因緣經卷第三 卅三 詔譯

復次大王其上即是三十三天所居之處彼有龍王住於水際所謂難陀龍王烏波難陀龍王阿說多哩龍王母呬隣那龍王摩那斯龍王伊羅鉢怛羅龍王等住壽經劫護持世

卅三

間力無能敵是諸龍王與堅首天持鬘天常驕天四大王天同為守護三十三天若阿修羅來鬪戰時即各對敵及為震警

亦時頂生王將復前進為諸龍王遮止導翼兵眾王乃問言何不進邪時主兵神答言天子此是龍王遮止兵眾王言而龍王者傍生

之類非我所敵今悉驅令爲我導翼言已諸龍即導王前至堅首天王所彼天王問言汝等何故奔馳來此諸龍答言人間有王名曰頂生彼將至此故我導前時堅首天王即復遮止不令前進王乃問言何不進邪主兵神答言天子此有堅首天王遮止兵衆王言此

堅首天亦使爲我導翼之者言已彼天即導王前至持鬘天王所彼天王問言汝今何故奔馳來此天王答言人間有王名曰頂生彼將至此故我導前時持鬘天王即復遮止不令前進王乃問言何不進邪主兵神答言天子此有持鬘天王遮止兵衆王言此持鬘天

亦使爲我導翼之者言已彼天即導王前至常驕天王所彼天王問言汝今何故奔馳來此天王答言人間有王名曰頂生彼將至此故我導前時常驕天王即復遮止不令前進王乃問言何不進邪主兵神答言天子此有常驕天王遮止兵衆王言此常驕天亦使爲

我導翼之者言已彼天即導王前至四大天王所彼天王問言汝今何故奔馳來此天王答言人間有王名曰頂生彼將至此故我導前亦時四大天王互相議曰此人間王具大福德有大名稱我等豈能與相違背言已俱詣帝釋天主所具陳上事時帝釋天主言此

大福德有大名稱我亦不應與相違背言已即持妙闕伽瓶前起承迎

亦時頂生王遙見須彌山上樹林蒼鬱其密如雲聳直紺青色狀殊麗乃問導翼夜叉神祇舞迦言前有樹林斯名何等祇舞迦答言天子此是三十三天中波利質多羅樹及俱

晉三

二

毗陀羅樹等彼諸天衆夏四月中於其樹下五欲娛樂嬉戲自在天子今時往彼亦受斯樂時王聞已謂諸臣佐言汝等前見樹林如雲紺青不臣佐答言唯然已見王言此是三十三天中波利質多羅樹及俱毗陀羅樹等彼諸天衆夏四月中於其樹下五欲娛樂嬉

戲自在汝等往彼亦受斯繞時頂生王又復前進見須彌山上白雲高起聚若山峯復問祢舞迦言前有白雲聚若高峯斯名何等祢舞迦荅言天子此是三十三天中善法之堂彼天子衆與四大天王常共集會思惟觀察稱量世間若天若人諸所有事天子今時宜應往彼其王聞已謂諸臣佐言汝等前見白雲高起聚若山峯不臣佐荅言唯然已見王言此是三十三天中善法之堂被天子衆與四大天王常共集會思惟觀察稱量世間若天若人諸所有事汝等今時宜應往彼復次須彌山王三十三天中有善見城其城

縱廣正等二千五百由旬周匝十千由旬有七重城彼一一城高一由旬半純金所成金城之上一一復有四種女牆金銀琉璃頗胝迦成復有重牆通往來道亦四寶成彼城中地有百一種采繪嚴飾又復柔軟如兜羅絲及如妙氎下足隨陷舉足隨起有天曼陀羅

晉三

三

花散布其地深可膝量香風時來吹去萎華更雨新者彼善見城有一千一門其一門長二由旬半闊半由旬皆以牛頭旃檀香木所成彼一一門金銀琉璃頗胝迦寶間錯莊嚴狀如星象及半月相又一一門各有五百青衣夜叉身被甲冑而作守衛又能護持三

十三天諸天子衆作諸善利城中街衢長二百五十由旬闊十二由旬種種莊嚴金沙布地觸處徧洒旃檀香水金繩交絡垂金鈴鐸以界道側街衢左右復有種種清淨池沼金銀琉璃頗胝迦等以布其底池之四面有四梯陛金銀琉璃頗胝迦成彼池沼中有四寶臺金銀琉璃頗胝迦等間錯莊嚴若金爲臺即銀爲柱及以梁棟若銀爲臺即金爲柱及以梁棟若琉璃爲臺即頗胝迦爲柱及以梁棟若頗胝迦爲臺即琉璃爲柱及以梁棟清淨甘美水滿池中優鉢羅花鉢訥摩花俱母陀花奔拏利迦花等徧覆其內復有種種水鳥

遊戲池中出妙音聲謂高遠聲悅意聲美妙  
聲等復有種種華樹菓樹直生端立圓無缺  
減如結瓊師取以妙線妙巧安布盤結成瓊  
花菓樹林亦復如是彼樹復有種種飛鳥遊  
止其上出妙音聲又彼城中有青黃赤白四  
色劫波衣樹其樹所出四色妙衣若彼天男

及天女等思其衣者纔起心時而自至手又  
有種種妙音樂樹所謂簫笛琴瑟篪等若彼  
天男及天女等思音樂者纔起心時其樂自  
鳴又有種種妙莊嚴樹彼樹所出手釧足環  
及身莊嚴妙好之具若彼天男及天女等思  
莊嚴具者纔起心時而自至手又有四色蘇

陀味食謂青黃赤白若彼天男及天女等思  
其食者纔起心時而自至手又有四種所飲  
之漿謂末度漿摩達網漿迦譚末梨漿播囊  
漿等復有種種殊妙莊嚴殿堂樓閣諸天女  
衆或處其中安隱而坐或觀視遊行悉有種  
種輿輦服用莊嚴之具天女駢隘擊鼓奏歌

晉

四

契衆名香豐諸飲食而彼天衆與諸眷屬嬉  
戲娛樂隨自福力受斯勝果

復次善見城東二十由旬有園名寶車縱廣  
正等二百五十由旬周匝千由旬內外嚴麗  
殊妙可觀園有余牆高半由旬金牆之上有  
四女牆金銀琉璃頗胝迦成復有重牆通住

來道亦四寶作其園中地有百一種采繪嚴  
飾又復柔軟如兜羅絲及如妙氈下足隨陷  
舉足隨起有天男陀羅花散布其地深可膝  
量香風時來吹去萎花更雨新者寶車園中  
有大池沼縱廣正等五十由旬周匝二百由  
旬金銀琉璃頗胝迦等以布其底池之四面

有四梯陞金銀琉璃頗胝迦成彼池沼中有  
四寶臺金銀琉璃頗胝迦等間錯莊嚴若金  
爲臺即銀爲柱及以梁棟若銀爲臺即金爲  
柱及以梁棟若琉璃爲臺即頗胝迦爲柱若  
頗胝迦爲臺即琉璃爲柱及以梁棟清涼甘  
美水滿池中優鉢羅花鉢訥摩花俱母陀花

奔那利迦花等徧覆其內復有種種水鳥遊  
 戲池中出妙音聲謂高遠聲悅意聲美妙聲  
 等復有種種花樹菓樹直生端立圓無缺減  
 如結鬘師取以妙線妙巧安布盤結成髮花  
 果樹林亦復如是彼樹復有種種飛鳥遊止  
 其上出妙音聲觸處皆有青黃赤白四色劫

五百三

五

波衣樹其樹所出四色妙衣又有種種妙音  
 樂樹所謂簫笛琴笙篳篥等又有種種妙莊嚴  
 樹彼樹所出手釧足環及身莊嚴妙好之具  
 又有四色蘇陀味食謂青黃赤白若彼天男  
 及天女等隨所思想者纔起心時而皆自至又  
 有四種所飲之漿謂末度漿摩達網漿迦譚

末黎漿播曩漿等復有種種殊妙莊嚴殿堂  
 樓閣諸天女衆或處其中安隱而坐或觀視  
 遊行悉有種種輿輦服用莊嚴之具天女耕  
 隘擊鼓奏歌藝衆名香豐諸飲食而彼天衆  
 與諸眷屬嬉戲娛樂隨自福力受斯勝果園  
 中道路長二十由旬闊半由旬清淨嚴飾金

沙布地觸處徧洒旃檀香水金繩交絡垂金  
 鈴鐸道路左右亦有種種花菓樹林飛鳥遊  
 戲出妙音聲亦有四色劫波衣樹及音樂樹  
 莊嚴樹等復有四種莊嚴輿輦謂象乘馬乘  
 車乘寶輿若彼天男及天女等思其乘馭往  
 遊戲者纔起心時隨思即至乘已遊行受諸

快樂此園何故名爲寶車園謂此園中所有池  
 沼花菓樹林衣服嚴具及天女等皆以衆寶  
 所莊嚴故又有寶車諸天子衆乘馭遊戲以  
 是緣故名寶車園復次寶車園東二十由旬有  
 寶嚴地縱廣正等二百五十由旬周匝千由  
 旬有百一種采繪嚴飾清淨柔軟其地中間

有四寶臺間錯莊嚴天男陀羅花散布其地  
 道路長二十由旬闊半由旬清淨嚴飾花果  
 樹林衣服音樂莊嚴等樹一一具足亦有輿  
 輦隨思即至受諸快樂彼有天仙修習梵行  
 復次善見城南二十由旬有園名嚴堅縱廣  
 正等二百五十由旬周匝千由旬內外嚴麗

殊妙可觀園有金墻高一由旬金墻之上有  
四女墻金銀琉璃頗胝迦成復有重墻通往  
來道亦四寶作其園中地有百一種采繪嚴  
飾又復柔軟如兜羅絲及如妙氈下足隨陷  
舉足隨起有天男陀羅花散布其地深可膝  
量香風時來吹去萎花更雨新者麤堅園中

晉二

六

有大池沼縱廣正等五十由旬周匝二百由  
旬金銀琉璃頗胝迦等以布其底池之四面  
有四梯陞金銀琉璃頗胝迦成彼池沼中有  
四寶臺金銀琉璃頗胝迦等間錯莊嚴若金  
為臺即銀為柱及以梁棟若銀為臺即金為  
柱及以梁棟若琉璃為臺即頗胝迦為柱及  
以梁棟若頗胝迦為臺即琉璃為柱及以梁  
棟清涼甘美水滿池中優鉢羅花鉢訥摩花  
俱母陀花奔拏利迦花等徧覆其內復有種  
種水鳥遊戲池中出妙音聲謂高遠聲悅意  
聲美妙聲等復有種種花樹果樹直生端立  
圓無缺減如結鬘師取以妙線妙巧安布盤

結成鬘花果樹林亦復如是彼樹復有種種  
飛鳥遊止其上出妙音聲觸處皆有青黃赤  
白四色劫波衣樹其樹所出四色妙衣又有  
種種妙音樂樹所謂簫笛琴箏篪等又有種  
種妙莊嚴樹彼樹所出手釧足環及身莊嚴  
妙好之具又有四色蘇陀味食謂青黃赤白

若彼天男及天女等隨所思者纔起心時而  
皆自至又有四種所飲之漿謂末度漿摩達  
網漿迦譚末黎漿播曩漿等復有種種殊妙  
莊嚴殿堂樓閣諸天女等或處其中安隱而  
坐或觀視遊行悉有種種輿輦服用莊嚴之  
具天女駢隘擊鼓奏歌藝眾名香豐諸飲食

晉三

末

而彼天眾與諸眷屬嬉戲娛樂隨自福力受  
斯勝果園中道路長二十由旬闊半由旬清  
淨嚴飾金沙布地觸處徧洒旃檀香水金繩  
交絡垂金鈴鐸道路左右亦有種種花果樹  
林飛鳥遊戲出妙音聲亦有四色劫波衣樹  
及音樂樹莊嚴樹等復有四種莊嚴輿輦謂

象乘馬乘車乘寶輿若彼天男及天女等思其乘馭往遊戲者繞起心時隨思即至乘已遊行受諸快樂此園何故名爲麤堅謂此園中所有池沼花果樹林衣服嚴具及天女等悉麤堅故又此園中諸天子衆若身若心皆悉麤猛而如關戰由是緣故名麤堅園

佛說頂生王因緣經卷第三

三

佛說頂生王因緣經卷第四

四五同卷

西天譯經三藏朝奉大夫試光祿卿傳法大師賜紫沙門臣施護等奉詔譯

復次麤堅園南二十由旬有麤堅地縱廣正等二百五十由旬周匝千由旬有百一種采繪嚴飾清淨柔輦其地中間有四寶臺間錯莊嚴天男陀羅花散布其地道路長二十由

旬闊半由旬清淨嚴飾花果樹林衣服音樂莊嚴等樹一一具足亦有輿輦隨思即至受諸快樂彼有天仙修習梵行復次善見城西二十由旬有園名雜種縱廣正等二百五十由旬周匝千由旬內外嚴麗殊妙可觀園有金墻高一由旬金墻之上有四女墻金銀琉璃頗胝迦成復有重墻通往來道亦四寶作其園中地有百一種采繪嚴飾又復柔軟如兜羅絲及如妙氈下足隨陷舉足隨起有天男陀羅花散布其地深可膝量香風時來吹去萎花更雨新者雜種園中有大池沼縱廣正等五十由旬周匝二百由旬金銀琉璃頗胝迦等以布其底池之四面有四梯陞金銀琉璃頗胝迦成彼池沼中有四寶臺金銀琉璃及以梁棟若銀爲臺即金爲柱及以梁棟若琉璃爲臺即頗胝迦爲柱及以梁棟若頗胝迦爲臺即琉璃爲柱及以梁棟清涼甘美水